

# აირჩიეს ოზურგეთის მუნიციპალიტეტის საკრებულოს ხელმძღვანელები



**დავით დარჩია**  
მუნიციპალიტეტის საკრებულოს  
თავმჯდომარე



**ლავრენტი ბიგვავა**  
მუნიციპალიტეტის საკრებულოს  
თავმჯდომარის პირველი მოადგილე



**ტარიელ არუშიანი**  
მუნიციპალიტეტის საკრებულოს  
თავმჯდომარის მოადგილე



**ნათია ბოლიანი**  
მუნიციპალიტეტის საკრებულოს  
თავმჯდომარის მოადგილე

## ა ლ ი რ ე ნ ი

გურია

უძველესი გაზეთი უახლესი ინფორმაციებით!

**ს ა ზ ო გ ა დ ო ე ბ რ ი ვ - პ ო ლ ი ტ ი კ უ რ ი გა ზ ე თ ი .**  
 ყოველკვირეული გამოშვება. № 40 (10410) 9 დეკემბერი, 2021 წ. ფასი 60 თეთრი.

## ოზურგეთის საკრებულოს პირველ სხდომაზე კომისიების და ფრაქციების თავმჯდომარეები აირჩიეს



განათლების, კულტურის, სპორტის, ახალგაზრდულ საქმეთა, ჯანმრთელობისა და სოციალურ საკითხთა კომისიას **ქეთევან ხომერიკი** უხელმძღვანელებს; აგრარულ საკითხთა, ქონების მართვისა და ბუნებრივი რესურსების საკითხების კომისიის თავმჯდომარედ **დავით ჭაკელიძე** აირჩიეს; საფინანსო-საბიუჯეტო კომისიის თავმჯდომარედ **გელა ჩაველიძე** იქნა არჩეული; სივრცით-ტერიტორიული დაგეგმარების და ინფრასტრუქტურის კომისიას **ბექა თოიძე** უხელმძღვანელებს; სამანდატო, საპროცედურო, იურიდიულ საკითხთა და ეთიკის კომისიის თავმჯდომარედ **საკრებულოს წევრებმა პაატა კიდურაძე** აირჩიეს.

ოზურგეთის საკრებულოში სამი ფრაქცია შეიქმნა. ფრაქცია „ქართული ოცნება-დემოკრატიული საქართველო“-ს თავმჯდომარედ, რომელიც 30 წევრს აერთიანებს, **მარიკა ჩხიკვიშვილი** აირჩიეს.

ფრაქცია „ერთიანი ნაციონალური მოძრაობა“-ს 11 წევრით **დავით მჭავანაძე** გაუწევს თავმჯდომარეობას; ფრაქციის „ოზურგეთი საქართველოსთვის“, ოთხი წევრით, თავმჯდომარე **ალექო ბურჭულაძე** გახდა.

ოზურგეთის საკრებულოში 45 წევრია.

## ყველაზე ხმაურიანი სხდომა ოზურგეთის მუნიციპალიტეტის წარმომადგენლობითი რბოლის ისტორიაში

**ალიონი.** ოზურგეთის მუნიციპალიტეტის ახალჩეული საკრებულოს პირველი სხდომა, ქვეყანაში არსებული პოლიტიკური ვითარების გათვალისწინებით, უმათუროდ რომ არ ჩაივლიდა, ეს ყველაფერი იცოდა, მაგრამ თუ ისეთი აურხაური ატყდებოდა, რომ პოლიტიკის გამოძახება გახდებოდა საჭირო, ამას, ალბათ, არავინ ელოდა.

„ერთიანი ნაციონალური მოძრაობის“ დეპუტატებს ტრადიცია არც ამჯერად დაურღვევიათ და სხდომაზე დაგვიანებით გამოცხადდნენ მათი ლიდერის გამოსახულებიანი მაისურებით, წარწერით „თავისუფლება მიხეილ სააკაშვილს“. როგორც ჩვევით, თავიდანვე დაიწყეს ირონიული რეპლიკები, რაც კარგად ისმის სხდომის ვიდეოჩანაწერში.

სხენებულ პარტიის ადგილობრივმა ლიდერმა **დავით მჭავანაძემ** თქვა, არჩევნები რომ არ გაყალბებულიყო, ამ დარბაზში დღეს უმრავლესობით „ქართული ოცნება“ ვერ იქნებოდა წარმოდგენილი, შემდეგ „ნაციონალმა“ დეპუტატებმა დარბაზში ბათუმის საკრებულოს ახალგაზრდაცვლილი დეპუტატის ნუგზარ ფუტკარაძის სურათები ააფრიალეს, მის გარდაცვალებაში „ქართულ ოცნებას“ დასდეს ბრალი, „ოცნებამ“ მკვლელობით მოიპოვა უმრავლესობა ბათუმის საკრებულოში, „ოცნება“ მკვლელების პარტი-



ააო. მოითხოვეს წუთიერი დემილით პატივი მიეგოთ ნუგზარ ფუტკარაძის სისუენისათვის.

სხდომის წამყვანი, საკრებულოს უხუცესი წევრი **ლავრენტი ბიგვავა** არ დაეთანხმა „ქართული ოცნების“ მისამართით წაყენებულ ამ მძიმე ბრალდებას, თუმცა იქვე დასძინა, რომ ბათუმის საკრებულოს დეპუტატის სისუენას ოზურგეთელი კოლეგები პატივს მიაგებენ. ასეც მოიქცნენ. „ნაციონალების“ ამ განცხადებას საპასუხო რეპლიკა მოჰყვა „ქართული ოცნების“ მხრიდან, კერძოდ, დეპუტატ მარიკა **ჩხიკვიშვილისგან**, რომელმაც „ნაციონალების“ ამ ქმედებას პოლიტიკური კვლეულობა უწოდა და მთავარ ოპოზიციურ ძალას იქედ დასლო ბრალი დესტრუქციულ ქმედებაში.

რეპლიკებსა და ურთიერთწაკებებს ხმამაღალი შემახილებიც დაერთო, სხდომაზე ქაოსური სიტუაცია კი მას შემდეგ შეიქმნა, რაც მარიკა ჩხიკვიშვილის გამოსვლით გაღიზიანებულმა „ნაციონალური მოძრაობის“ დეპუტატმა **გოჩა შარაშენიძემ** განცხადების გაკეთების სურვილი გამოთქვა. სხდომის თავმჯდომარის ნებართვას არც კი დაელოდა, ისე მიიჭრა ტრიბუნასთან:

**გოჩა შარაშენიძე:** არჩევნები რომ გაყალბდა, ეს იცის ყველამ, 11 წლის ბავშვს რომ გამოიყენებენ...

**ლავრენტი ბიგვავა:** მიმართეთ სასამართლოს. ძალიან ვთხოვთ, გვაცალეთ მუშაობა.

შარაშენიძე აშკარად განერვიულებული ჩანს, უწევს ხმას და განაგრძობს:

**გოჩა შარაშენიძე:** ეს საკრებულო არის არალეგიტიმური, მოსყიდვით, ფულით და ყველაფერი უბედურებით. თქვენი ადგილი აქ არ არის, ძალიან მალე ნახეთ... რაც შეეხება მიმა სააკაშვილს, მიმა სააკაშვილმა ააშენა ეს ქვეყანა... ეს საკრებულო არ არის უფლებამოსილი, 11 წლის ბავშვს რომ გამოიყენებ და ერთ-ერთი მერობის კანდიდატი, რომ...



### გაზეთი „ალიონი“ სარეკლამო მომსახურების ტარიფები

- მე-2 მთლიანი გვერდის (648 კვ.სმ) ღირებულება 120 ლარია;
- მე-3-7 (თითოეული 810 კვ.სმ) მთლიანი გვერდებისა - 150-150 ლარი;
- 1-ლი, ფერადი გვერდი მთლიანად (810 კვ. სმ) არ იყიდება, ნახევარი გვერდის (405 კვ. მ) ღირებულება 300 ლარია;
- ბოლო, მე-8, ფერადი გვერდი მთლიანად 300 ლარი ღირს;
- შიდა შავთეთრ გვერდებზე ფერადი ბეჭდვის შემთხვევაში გვერდის საფასური 50 ლარით იზრდება.
- პოლიტიკური რეკლამის ღირებულება ორმაგია;
- მილოცვა ფერად გვერდზე 32,40 კვ. მ-ზე, სურათით - 25 ლარი;
- სამგლოვიარო განცხადება - სიტყვა 25 თეთრი, პლუს სურათი (5X6 სმ) - 2 ლარი;
- გახსენება, ნეკროლოგი - სიტყვა 20 თეთრი, პლუს სურათი (5X6 სმ) - 2 ლარი;
- საკალო ფასი: 60 თეთრი, ხელმოწერა: ერთი თვით - 2,40 ლარი, სამი თვით - 7,20 ლარი, 6 თვით -14,40 ლარი, ერთი წლით - 29,60 ლარი.

გაზეთში გამოქვეყნებული მასალების შინაარსი შეიძლება არ ემთხვეოდეს რედაქციის თვალსაზრისს. ავტორები თვითონ არიან პასუხისმგებელი ინფორმაციის სიზუსტეზე. რედაქციაში აუთორიზაციის სიზუსტეზე ინახება ორი კვირის განმავლობაში, ამ ვადის გასვლის შემდეგ პრეტენზიები აღარ მიიღება. რედაქცია ავტორებისაგან არ მიიღებს სამ ხელნაწერ გვერდზე მეტ მასალას.

გამოქვეყნებული მასალების გადაბეჭდვა აკრძალულია რედაქციიდან ნებართვის გაცემის გარეშე.

**სარეკლამო კომპანია**  
რედაქტორი  
**ნუგზარ ასათიანი**  
nugzarasatiani15@gmail.com  
558 499100  
საინფორმაციო სამსახურის ხელმძღვანელი:  
**თემურ მარმანიშვილი**  
tem52@mail.ru  
599 373515  
კომპიუტერული უზრუნველყოფა  
**გიორგი გოგოლაძე**  
gia\_77@mail.ru  
551 576060  
რედაქციის მისამართი: ქ. ოზურგეთი, გაბრიელ ებისკოპოსის ქ.№3  
ტელ: 558 499 100 გაზეთი რეგისტრირებულია ოზურგეთის რაიონულ სასამართლოში 18. 11. 2004 №44/4-311  
გაზეთი იბეჭდება გამოცემლობა

დაინყეთ ყოველი ოჩხაბათი აციონზე  
«ალიონით»

## ოზურგეთის და ლანჩხუთის მუნიციპალიტეტებს სამედიცინო ტექნიკა და კონტინენტები გადასცემს

საქართველოს რეგიონული განვითარების და ინფრასტრუქტურის სამინისტროს მყარი ნარჩენების მართვის კომპანიამ ლანჩხუთისა და ოზურგეთის მუნიციპალიტეტებს სპეციალური ტექნიკა და კონტინენტები გადასცა.

მუნიციპალიტეტებს, სულ, გადაეცა 8 ნაგავშენი, 4 სატვირთო თვითმცლელი მანქანა და 800 კონტინენტი (4 ნაგავშენი, 2 სატვირთო თვითმცლელი და 500 კონტინენტი - ლანჩხუთის მუნიციპალიტეტს; 4 ნაგავშენი, 2 სატვირთო თვითმცლელი და 300 კონტინენტი - ოზურგეთის მუნიციპალიტეტს).

ასალი ტექნიკის საშუალებით, მუნიციპალიტეტებში გაუმჯობესდება

ნარჩენების შეგროვებისა და მართვის პროცესი. დასუფთავებისა და ნარჩენების გატანის მომსახურება კი, მუნიციპალიტეტების კიდევ უფრო მეტი მცხოვრებლისათვის გახდება ხელმისაწვდომი. გამოყენებული იქნება ნარჩენების შეგროვების როგორც კონტინენტული მეთოდი, ისე „ზარის პრინციპით“ შეგროვების მეთოდი - მაღალმთიანი სოფლებისთვის.

სპეციალური ტექნიკა და კონტინენტები მუნიციპალიტეტებს საქართველოს რეგიონული განვითარებისა და ინფრასტრუქტურის მინისტრის მოადგილემ **შინა გიორგობანიძე** და საქართველოს მყარი ნარჩენების მართვის კომპანიის დირექტორმა **გიორგი შუხოშვილმა** გადასცეს.



## სამხარეო საკონსულტაციო საბჭოს პირიბი სხდომა გაიმართა

სახელმწიფო რწმუნებულის ლანჩხუთის, ოზურგეთისა და ჩოხატაურის მუნიციპალიტეტებში **გიორგი ურუშაძის** ხელმძღვანელობით, სამხარეო-საკონსულტაციო საბჭოს მორიგი სხდომა გაიმართა.

სხდომაზე საბჭოს წევრებმა „2020-2022 წლების საპილოტე რეგიონების ინტეგრირებული განვითარების პროგრამის“ ფარგლებში გამოცხადებულ საგრანტო კონკურსში მუნიციპალიტეტების მიერ წარმოდგენილი საპროექტო წინადადებები და მათი დაფინანსების საკითხი განიხილეს;

საბჭოზე, ასევე, ისაუბრეს მუნიციპალიტეტებში რეგიონში განსახორციელებელი პროექტების ფონ-

დით დაფინანსებული აქტივობების, სტიქიის სალიკვიდაციო ღონისძიებებისა და სკოლების რეაბილიტაციის პროგრამის ფარგლებში დაფინანსებულ სოფლის მხარდაჭერის პროგრამისა და სახელმწიფო პროგრამის - განახლებული რეგიონების ფარგლებში არსებული პროექტების მიმდინარეობაზე. მუნიციპალიტეტების წინაშე მდგარ სხვა მნიშვნელოვან საკითხებსა და საჭიროებებზე.

საკონსულტაციო საბჭოს სხდომაზე რწმუნებულის მოადგილეები და ადგილობრივი თვითმმართველობების ხელმძღვანელი პირები დაესწრნენ.



**გამოიწერეთ გაზეთი „ალიონი“**  
**6 თვით - 15 ლარი;**  
**ერთი წლით - 30 ლარი**

## სასამართლო დავით მჟავანაძეს სიტყვიერი შენიშვნა მისცა



**ალიონი.** 6 დეკემბერს, ოზურგეთის რაიონულ სასამართლოში ოზურგეთის მუნიციპალიტეტის საკრებულოს ფრაქცია „ერთიანი ნაციონალური მოძრაობის“ თავჯდომარის **დავით მჟავანაძის** სასამართლო პროცესი გაიმართა.

დავით მჟავანაძეს ადმინისტრაციული კოდექსის 166-ე და 173-ე მუხლების საფუძველზე ედა-

ვებოდნენ, რაც ხულიგნობას და პოლიციისთვის შეურაცხყოფის მიყენებას, ასევე, სამართალდამცველების კანონიერი მოთხოვნის დაუმორჩილებლობას გულისხმობს. ოზურგეთის რაიონული სასამართლოს მოსამართლე **თორნიკე კაპანაძემ** დავით მჟავანაძეს სიტყვიერი შენიშვნა მისცა.

## წინა მოწვევის საკრებულოს ბოლო სხდომა



**ალიონი.** დეკემბრის პირველ დღეს ოზურგეთის მუნიციპალიტეტის წინა მოწვევის საკრებულომ თავისი ბოლო სხდომა ჩაატარა.

მიიღეს დადგენილება „ოზურგეთის მუნიციპალიტეტის 2021 წლის ბიუჯეტის დამტკიცების შესახებ - ოზურგეთის მუნიციპალიტეტის საკრებულოს 2020 წლის 30 დეკემბრის №19 დადგენილებაში ცლილებებისა და დამატებების შეტანის შესახებ, რომელსაც საკრებულოს თავმჯდომარე დავით დარჩამასის ინიციატივით მნიშვნელოვანი უწოდა.

ცნობად მიიღეს საკრებულოს წევრების - **გიორგი ღურჯუაშვილის, თამაზ ბურჭულაძისა და**

**ვლადიმერ ჩავლეშვილის** უფლებამოსილების ვადამდე შეწყვეტის შესახებ.

როგორც ცნობილია, გიორგი ღურჯუაშვილი, რომელიც საკრებულოს თავმჯდომარის მოადგილე გახლდათ, დაინიშნა ოზურგეთის მუნიციპალიტეტის მერის პირველ მოადგილედ; თამაზ ბურჭულაძე, რომელიც იყო შემოქმედის მაჟორიტარი დეპუტატი, - ოზურგეთის მუნიციპალიტეტის მერის წარმომადგენლად ამავე სოფელში, ხოლო ვლადიმერ ჩავლეშვილი, მთისპირის უკვე ყოფილი მაჟორიტარი დეპუტატი - ოზურგეთის მერის წარმომადგენლად სოფელ მთისპირში.

## მერის წარმომადგენლები კიდევ 4 სოფელში დაინიშნა

ოზურგეთის მუნიციპალიტეტის მერმა, ავთანდილ თალაკვაძემ, ოთხ ადმინისტრაციულ ერთეულში მერის წარმომადგენლები დანიშნა და მათთან ადმინისტრაციული ხელშეკრულებები გააფორმა.

ოზურგეთის მუნიციპალიტეტის 4 ტერიტორიულ ერთეულში მერის წარმომადგენლებია:

- ბაილეთის ადმინისტრაციული ერთეული - **გიორგი ქიათაძე;**
- ნაგომრის ადმინისტრაციული ერთეული - **მიხეილ ციციტიშვილი;**
- სილაურის ადმინისტრაციული ერთეული - **გიზო გოგუაძე;**
- ბოხვარის ადმინისტრაციული ერთეული - **ირაკლი ჩავლეშვილი.**

„თითოეულ კანდიდატთან განვიხილე რა იქნება მათი საქმიანობის შეფასების მთავარი კრიტერიუმები: ყოველდღიური კომუნიკაცია მოქალაქეებთან, პრობლემების დროული მოგვარება და სოფლებისთვის მნიშვნელოვან პროექტებზე აქტიური მუშაობა.“- განაცხადა, ოზურგეთის მერმა ავთანდილ თალაკვაძემ.

ადინიშნულ საკითხთან დაკავშირებით, კონსულტაციები და განხილვები სრულდება. მერის წარმომადგენლების და მათი თანამშრომლების პოზიციებზე მიმდინარეობს დანიშვნების პროცესი და ახლო მომავალში გახდება ცნობილი.

# ყველაზე ხმაურიანი სხდომა ოზურგეთის მუნიციპალიტეტის წარმომადგენლობითი რგოლის ისტორიაში



უნდა ვუხსნათ ამის ღრიალს, დეპუტატებს? გამოუძახეთ დაცვა.

**გორა შარაშენიძე:** ახლა ქალბატონ მარიკას მივმართავ: ქალბატონ მარიკა კაცურად გეუბნებით... (შარაშენიძის სიტყვებს ფარავს ერთ-ერთი „ნაციონალის“ ხმა: „პოლიციური ხელისუფლება“)

**მარიკა ჩხიკვიშვილი:** წაგება და მოგება ძმებო, თქვენ წააგეთ არჩევნები, ბატონო გორა და უნდა შევეუბნოთ ამას.

**გორა შარაშენიძე:** წააგებდით, ყველა კუთხეში ფულს არიგებდით.

**მარიკა ჩხიკვიშვილი:** არანაირად, თქვენსკენ მოიკითხეთ მასეთები.

**გორა შარაშენიძე:** აი, გეკითხებით ყველას: დავით დარჩია ჩემი მეგობარია, ბიძინა ივანიშვილის კურსელი რომ არ იყოს, აირჩევდით მესამედ საკრებულოს თავმჯდომარედ? არ აირჩევდით. ტყუილს არაფერს ვლაპარაკობ (ღრიალებს, თანაპარტიელებიც ცდილობენ, რომ დააწყნარონ).

**ლავერენტი ბიგვაგა:** გამოუძახეთ დაცვა.

**დაცვა:** წამობრძანდით...

**გორა შარაშენიძე:** რას ჰქვია წამობრძანდე?! „ნაციონალები“ არ ანებებენ

გაყვანას. აგულიანებენ უფრო.

**დაცვა:** გთხოვთ, დატოვოთ დარბაზი.

**გორა შარაშენიძე:** რატომ უნდა დავტოვო, შევაგინე ვინმეს, არასწორი ვოქეი თუ რა? დავით დარჩიას პატივს ვცემ, მაგრამ ბიძინა ივანიშვილის კურსელი რომ არ იყოს, მესამედ აირჩევდით?

**ლავერენტი ბიგვაგა:** ავირჩევდით.

**გორა შარაშენიძე:** არ აირჩევდით, ერთმანეთს შეგპაძლით, დაჭაძლით ერთმანეთს. სააკაშვილმა, რომელმაც ქვეყანა ააშენა, იმას თქვენ მკვლელს ეძახით. ადამიანმა შექმნა სახელმწიფო და სირცხვილია, ყველას შერცხვებათ, ინანებთ ამას მერე..

დარბაზში პოლიციელი შემოვიდა.

**პოლიციელი:** დაბრძანდით და ისე ილაპარაკეთ...

**შარაშენიძე:** კიდევ უფრო უწევს ხმას.

**პოლიციელი:** ხმას დაუწიეთ, დაწყნარდით.

**ერთ-ერთი „ნაციონალი“ პოლიციელს:** თქვენ ვინ ხართ?

**პოლიციელი:** შსს გურიის დეპარტამენტის დირექტორის მოადგილე.

**ერთ-ერთი „ნაციონალი“:** აქ იყავით წახანე, ყარაული ხართ.

გააყალბენ არჩევნები და... შარაშენიძეს ხელი ჩაავლეს დარბაზიდან გასაყვანად.

**დავით მუხანაძე:** რას აკეთებ, ბიჭო? (კარებში გადაუდგა) ვინ ხარ შენ?

**პოლიციელი:** დაწყნარდი, თორემ შენაც გაგიყვანთ.

**დავით მუხანაძე:** ვინ ხარ შენ, მე რომ წამიყვანო? ვინ გეკითხება შენ, ვინ გეკითხება-მეთქი? – გეუბნები. თავმჯდომარე კი არა, „ქართული ოცნების“ დავალების შემსრულებელი ხარ.

ორივე გაჰყავთ ძალის გამოყენებით. წარმოქმნილი ზედახორის შედეგად, მისაღების კარები იმტვრევა. ჩაჰყავთ კიბეებზე და ისმის გინების კორიანტელი.

– ლეგიტიმური უფლება არ ჰქონდათ, იქნებ გამოდიოდა კაცი. სად მიჰყავთ, რაფერ შეიძლება ეს? უკეთესი იქნებოდა, კრიმინალებს რომ ებრძოდეთ ასე. – ისმის ვიდაციის ხმა.

მუხანაძე არ ემორჩილება და მას ძალის გამოყენებით სვანენ პოლიციის მანქანაში. მხარდამჭერები მანქანას წინ გადაუდგებიან, მაგრამ მინც მიჰყავთ.

„ნაციონალური მოძრაობის“ კიდევ ერთმა ადგილობრივმა ლიდერმა ბესო ქათამაძემ საკრებულოს სირცხვილად მიიჩნია ის, რაც მოხდა:

– „რაც ხდება და აქ მიმდინარე სიტუაციაზე, რომ არაუფლებამოსილი პირები ძალით ათრევენ დეპუტატებს, ეს უპირველესად, საკრებულოს სირცხვილია. დაცვის სამსახურმა, რომელსაც თანხას უხდის მუნიციპალიტეტი, კეთილი ინებოს და უზრუნველყოს აქ მიმდინარე პროცესები. ამ ხალხს ვეძირობთ ჩვენ. პროცესი, როდესაც საკრებულოზე ისმის დესტრუქციული ხართ, უზრუნველები ხართ, მოდი, რეგლამენტი და შესაბამისი განათლება იქონიონ პირებმა და შესაბამისად მოიქცნენ აქ“.

ქათამაძეს „ქართული ოცნების“

დეპუტატი **ვანტანე ნიჟარაძე** შეეკამათა: „ზრდილობაზე ჩვენ მივითითებთ? რაც სხდომა დაიწყო, სხდომის წამყვანს „დეილუპე საცხა, დეილუპე საცხას“ ეძახით. ლავრენტი ბიგვაგამ სხვა დეპუტატებს აღარ მისცა დებატში შესვლის საშუალება, დაბრძანდით სხდომა განვაგრძოთო, შესთავაზა ქათამაძეს.

ქათამაძემ კი განაგრძო: „როგორც არჩევნები ჩატარეთ, იგივე ფორმით წარმართეთ დღეს სხდომა. რა არ იკადრეთ. ბატონო ლავრენტი, რაღაც დესტრუქციული და რაღაც ისეთი რეპლიკების სროლა“.

– დაბრძანდით! – კიდევ ერთხელ შესთავაზა ბიგვაგამ.

– მივიღივარ, ასეთი სხდომის ჩატარებას რა აზრი აქვს.

მოკლედ, თავისი პარტიის მისამართით, ბატონმა ბესომ ოპონენტიდან „დესტრუქციულობა“ ვერ აიტანა, მაშინ, როდესაც ამავე სხდომაზე მისმა თანაპარტიელმა, მეგობარმა და კოლეგამ დავით მუხანაძემ „ქართულ ოცნებას“ მკვლელების პარტია ხართო, უთქვინა.

დარბაზიდან გასვლისას ქათამაძემ „ოცნების“ ახალი დეპუტატი **ვლადიმერ ხავთასი** „დაარიგა“, რომელმაც ცოტა ხნით ადრე მწვავედ გააკრიტიკა „ნაციონალური მოძრაობის“ დეპუტატთა სხდომაზე ქმედება: „პატივცემულო, ჩემი დიდი პატივისცემა თქვენ, მაგრამ შესაბამისად მოიქცით, როცა შემდეგ საკრებულოზე გამოხვალთ“.

ამ გაუთავებელი აყალ-მაყალის შედეგად 12 საათზე დაწყებული სხდომა 19 საათისთვის დამთავრდა. შესაბამისად ოზურგეთში ყველაზე გვიან აირჩიეს როგორც მუნიციპალიტეტის საკრებულოს თავმჯდომარე და მისი მოადგილეები, ისე მუდმივმოქმედი კომისიების და ფრაქციათა ხელმძღვანელები.

იმავე და შემდეგ დღეებშიც აჭრელდა მედიასაშუალებები და სოციალური ქსელი, თუ როგორ

შეიჭრა სხდომაზე პოლიცია, როგორ და რატომ დააკავეს საკრებულოს სხდომაზე არჩეული დეპუტატი, როგორ სასტიკად სცემა მისი თანაპარტიელი პოლიციამ, როგორ ცუდად შეიქმნა დაკავებული დეპუტატი იზოლატორში, როგორ დაარღვია საკრებულომ რეგლამენტი და ა.შ. არავის დაცდენია, რა გამომწვეველ იქცეოდნენ და პროვოკაციულად მოქმედებდნენ სხდომაზე „ნაციონალური მოძრაობის“ დეპუტატები. საოცარია, რომ ყველაზე მეტად ის მედიასაშუალები და პიროვნებები აქტიურობდნენ, რომლებიც საერთოდ არ დასწრებიან სხდომას, ან პირველივე ინციდენტის შემდეგ დატოვებს დარბაზი, ალბათ, ვებ-გვერდებზე და ფეისბუქში საკანდალური ნიუსების განსათავსებლად. და, რასაკვირველია, უკან აღარ დაბრუნებულან.

ასე იყო თუ ისე, სარეცენზიო სხდომა ჯერჯერობით ყველაზე ხმაურიანი გამოდგა ოზურგეთის მუნიციპალიტეტის წარმომადგენლობითი რგოლის ისტორიაში.

ვინ იხიერა ამ ხმაურით ხელისუფლებამ თუ ოპოზიციამ? ამ კითხვას დრო და უახლოესი მოვლენები უპასუხებს. ვინ ვერ იხიერა და ვინ დაზარალდა, ამის თქმა კი ახლავე შეიძლება: ქვეყანამ და ხალხმა ვერ იხიერა, ქვეყანა და ხალხი დაზარალდა, ყველში ამოუვიდათ ერთმანეთთან სამკვდრო-სასიცოცხლოდ გადაკიდებული პოლიტიკური პარტიების ქვეყნის ცენტრსა თუ რეგიონებში მორიგი ქრონიკული გათარეშება.

**P.S.** ერთი ნამდვილად არ ტყუოდნენ „ნაციონალები“, როცა მათმა დეპუტატმა **შალვა თავდიშვილმა** იკითხა, რამდენად იყო დაცული დარბაზში კოვიდსაფრთხოება? რეგულაციები. თუმცა, აჯობებდა წინადადებით, ცივილიზებულად და არა რეპლიკით, მიემართა საკრებულოსთვის და ერთობლივად ეზრუნათ ამ საკითხის გადასაწყვეტად.

## შეზღუდული შესაძლებლობის მქონე პირთა დაცვის სამართაშორისო დღე აღინიშნა



3 დეკემბერს შეზღუდული შესაძლებლობის მქონე პირთა დაცვის სამართაშორისო დღესთან დაკავშირებით საქველმოქმედო ასოციაციას „გურიას“ ეზოში ღონისძიება მოეწყო.

გასართობ შოუ-პროგრამაში მხიარული ანიმატორები მონაწილეობდნენ. ჩატარდა შეჯიბრებები სპორტის სხვა და სხვა სახეობებში.

აქტივობებში ჩართული ყველა

მონაწილე მედლებით დაჯილდოვდა. ასევე გადაეცათ საჩუქრები ოზურგეთის მუნიციპალიტეტის მერიისა და დეპუტატის ბიუროსაკან.

ღონისძიებას ოზურგეთის მუნიციპალიტეტის მერი, ავთანდილ თალაკვაძე, მასობრივად დეპუტატის მეუღლე, ირინა ბაქრაძე, „სპეციალური ოლიმპიადის“ ეროვნული დირექტორი ლამა გოცირელი და სხვა სტუმრები ესწრებოდნენ.

ღონისძიება ოზურგეთის მუნიციპალიტეტის მერიის, დეპუტატის ბიუროს და მოძრაობა „სპეციალური ოლიმპიადის“ დახმარებით ჩატარდა. ღონისძიება კოვიდ რეგულაციების სრული დაცვით ჩატარდა.

შეზღუდული შესაძლებლობის მქონე პირთა სამართაშორისო დღე 1992 წლიდან ყოველწლიურად, 3 დეკემბერს, აღინიშნება.

## სოციალურ პროგრამებსა და მიგრაციის საკითხებზე იმსჯელეს

ოზურგეთის მუნიციპალიტეტის მერი ავთანდილ თალაკვაძე დევნილთა, ეკომიგრანტთა და საარსებო წყაროებით უზრუნველყოფის სააგენტოსა და მიგრაციის საერთაშორისო ორგანიზაციის (IOM) წარმომადგენლებს შეხვდა.

– მნიშვნელოვანი შეხვედრა მქონდა დევნილთა, ეკომიგრანტთა და საარსებო წყაროებით უზრუნველყოფის სააგენტოსა და მიგრაციის საერთაშორისო ორგანიზაციის (IOM) წარმომადგენლებთან.

მიგრაცია თითოეულ ოჯახს ახალ გარემოსთან ადაპტირების და გამოწვევებთან გამკლავების წინაშე აყენებს. საცხოვრისი, დასაქმება, განათლების მიღება, სოციალური სერვისები და სხვა აუცილებელი პირობები მიგრაციის დროს, ადამიანებისთვის




ხშირად მიუწვდომელია. დევნილებისა და ეკომიგრანტებისთვის მხარდამჭერი პროგრამები; ეკონომიკური და სოციალური პროექტები და დასაქმების ხელშეწყობა. ეს ის საკითხებია, რაზეც შეხვედრისას ვისაუბრეთ – აღნიშნა ოზურგეთის მუნიციპალიტეტის მერმა, ავთანდილ თალაკვაძემ.



# „ბასვი 1 ჰიდროელექტროსადგურის“ პროექტის შესახებ საერთაშორისო ექსპერტების მიერ მოწოდებული კვლევების განხილვა ჩატარდა

დადსასრული დასაწყისი იხილეთ „ალიონი“ №37-39



ენელოგანია გადამცემი ხაზების მიერ მიყენებული სავარაუდო ზემოქმედების გაანგარიშება, ისევე, როგორც სხვა ნებისმიერი საქმიანობის ზემოქმედების შეფასება, რომელიც პირდაპირ თუ ირიბად უკავშირდება ჰესის მშენებლობისა თუ ექსპლუატაციის ფაზებს. კუმულაციურ ზემოქმედებაში გადამცემი ხაზების საკითხის ასახვა განსაკუთრებით მნიშვნელოვანია, იმის გათვალისწინებით, რომ გადამცემი ხაზებისაგან გამოწვეული ზემოქმედება შესაძლოა თავად ჰესის აშენებისა და ოპერირების ზემოქმედებაზე არანაკლებ მნიშვნელოვანი იყოს. მითუმეტეს, თუ გავითვალისწინებთ ჰესისათვის შერჩეული ტერიტორიის მაღალ ეკოლოგიურ ღირებულებას. ჰესი ხდება გურიის გეგმარებითი დაცული ტერიტორიის ფარგლებში, ასევე ფრინველთათვის მნიშვნელოვანი ტერიტორიებისა და სამიგრაციო დერეფნის სახელობის, შესაბამისად, მოცემული მდგომარეობისა და ასევე იმ ფაქტის გათვალისწინებით, რომ ელექტროგადამცემი

ხაზები ხშირად ხდება დიდი ზომის მტაცებელი ფრინველების, მითუმეტეს, მიგრირებადი სახეობების წარმომადგენლების დაღუპვის მიზეზი, კუმულაციური ეფექტი უნდა შეფასდეს არა მხოლოდ წყლის ეკოსისტემებთან მიმართებაში, არამედ ბიომრავალფეროვნების სხვა წარმომადგენლების კრილიშიც. აქვე უნდა აღინიშნოს ისიც, რომ კომპანიისგან კუმულაციურ ზემოქმედებასთან დაკავშირებულ შენიშვნაზე წარმოდგენილი დოკუმენტი რეალურად არ პასუხობს მოთხოვნილ ინფორმაციას და საჭიროებს დეტალიზაციასა და დაზუსტებას. შემოთავაზებულ დოკუმენტში კუმულაციურ ზემოქმედებად განხილულია 15 კილომეტრის მანძილზე 3 ჰესის მიერ წყლის გარემოს მიმართ მიყენებული შესაძლო ზიანი, თუმცა არ არის დაკონკრეტებული კონკრეტულად რომელი სახეობებისთვის იქნება მნიშვნელოვანი კუმულაციური ზემოქმედება. სკოპინგის ანგარიში გვაფიქრებინებს, რომ ამ შემთხვე-

ვაშიც აქცენტი გაკეთდება მხოლოდ ნაკადულის კალმახის პოპულაციაზე, თუმცა უნდა აღინიშნოს, რომ პროექტის განხორციელების შემთხვევაში არანაკლები ზემოქმედების ქვეშ მოხვდება ასევე წითელი ნუსხის სახეობა წაფი, რომლის არსებობისთვისაც წყლის ეკოსისტემა უმნიშვნელოვანესია. სამივე ჰესის საპროექტო არეალში ხდება ასევე წითელი ნუსხით დაცული ფაუნის სხვა სახეობებიც, რომლებზეც ზემო ნაწილში უკვე ვისაუბრეთ (კავკასიის ენდემის ამფიბიები, კავკასიური გველგესლა, მურა დათვი და ა.შ.). აღნიშნულ სახეობებზე მოსალოდნელი კუმულაციური ზემოქმედის შესწავლა ასევე უმნიშვნელოვანესია. გარდა ამისა, პროექტის განხორციელებისას ზემოქმედების ქვეშ მოექცევა ჭალის ტყის ეკოსისტემის დიდი ნაწილი, რომელზეც ზიანის მიყენების საფრთხე ასევე არ არის შესწავლილი კუმულაციური ზემოქმედების კრილიში.

**ბასვი 1 იმპრასტრუქტურის განლაგება ბასმაროს სარემონტო ტერიტორიის საზღვართან მიმართებით**

თუმცა, კომპანიების მხრიდან გარემოზე მიყენებული ზემოქმედების სიდიდის მსუბუქად წარმოსაჩენად დამკვიდრებული „პროექტების დანაწევრების მახინჯი პრაქტიკის“ შესაბამისად, კომპანია გეგმავს ელექტროგადამცემი ხაზების მოწყობის პროექტზე გზმ-ის დამოუკიდებლად ჩატარებას. როგორც დამატებით წარმოდგე-

ნილი დოკუმენტებიდან ირკვევა (სკოპინგის შენიშვნებზე რეაგირების ცხრილი, შენიშვნა 22), დაგეგმილი ჰესის მიერ გამოწვეული ელექტროენერჯის ქსელში ჩართვა უნდა მოხდეს 110 კვ ორჯაჭვო ახალი გადამცემი ხაზის საშუალებით, შესაბამისად, პროექტის მიერ გამოწვეული სრული კუმულაციური ზემოქმედების შესაფასებლად მნიშ-

## საქართველო 1905-1907 წლებში


აბსოლუტური მონარქიიდან კონსტიტუციური მონარქიისაკენ (კარლამენტარიზმის დასაწყისი რუსეთში – სახელმწიფო სათათბირო)

### რუსეთის კოლიტიკური სისტემის გარდაქმნა 1905-1906 წლებში

იმპერატორის უფლებების შეზღუდვას თვით იმპერატორი ნიკოლაი II დაეთანხმა და თავისი თანხმობა 1906 წლის 23 აპრილს ხელმოწერილი ძირითადი კანონითაც დაადასტურა. ამ დღიდან რუსეთის **აბსოლუტური მონარქია (თვითმპყრობელობა) კონსტიტუციურ მონარქიად გადაიქცა.**

ნიკოლაი II-ის 1905 წლის 19 ოქტომბრის მანიფესტით, რუსეთის იმპერიის მინისტრთა კომიტეტი **მინისტრთა საბჭოდ** გარდაიქმნა. მინისტრთა კომიტეტი მხოლოდ ცალკეულ ადმინისტრაციულ საკითხებს იხილავდა, მთელი სისრულით არ ფლობდა აღმასრულებელ ხელისუფლებას. 19 ოქტომბრის მანიფესტის ძალით, მინისტრთა საბჭო იმპერიის სრულუფლებიან აღმასრულებელ ხელისუფლებად (მთავრობად) იქცა. ამიერიდან მთავრობის გვერდის ავლით გადაწყვეტილება მიღებული ვერ იქნებოდა. მინისტრთა საბჭოს თავმჯდომარეს მიეცა სამინისტროების კონტროლის უფლება. მინისტრებს შეეძლოთ იმპერატორისათვის წარედგინათ "უკვეშვრდომილესი მოხსენებები", თუ ისინი წინასწარ იყო შეთანხმებული მინისტრთა საბჭოს თავმჯდომარესთან.

ნაწილობრივ შეიცვალა **მმართველი სენატის**, როგორც სახელმწიფოს უმაღლესი მაკონტროლებელი ორგანოს, ფუნქცია. სენატის კომპეტენციაში შედიოდა, იმპერიის ძირითადი კანონთან მიმართებაში შეემოწმებინა სახელმწიფო საბჭოსა და სახელმწიფო სათათბიროს მიერ მოწოდებული კანონპროექტები, აეკრძალა ისეთი კანონების გამოქვეყნება, რომლებიც ეწინააღმდეგებოდა ძირითად კანონს. ეს იმას ნიშნავდა, რომ **სენატს საკონსტიტუციო სასამართლოს მსგავსი უფლება-მოვალეობა დაეკისრა.**



- 1905-1906 წლებში გატარებული რეფორმები თითქმის არ შენებია ადგილობრივ(საგუბერნიო, საქალაქო, სამაზრო, სათემო)მმართველობას.
- 1906-1917 წლებში რუსეთის სახელმწიფო საბჭოს თავმჯდომარეები იყვნენ:
1. **ედუარდ ფრინი** (1906-1907);
  2. **მიხაილ აკიმოვი** (1907-1914);
  3. **ივან გოლუბევი** (მოვალეობის შემსრულებელი 1914-1915 წწ.);
  4. **ანატოლი კულომზინი** (1915-1916);
  5. **ივან შვეგლოვიტოვი** (1917).
- 1906-1917 წლებში რუსეთის იმპერიის მინისტრთა საბჭოს თავმჯდომარეები ხშირად იცვლებოდნენ. ამ თანამდებობაზე მოღვაწეობდნენ:
1. **სერგეი ვიტტე** (1905 წლის 19 ოქტომბერი–1906 წლის 22 აპრილი);
  2. **ივან გორემიკინი** (1906 წლის 22 აპრილი–8 ივლისი)
  3. **პიოტრ სტოლიპინი** (1906 წლის 8 ივლისი–1911 წლის 1 სექტემბერი)
  4. **ვლადიმერ კოკოვცევი** (1911 წლის 1 სექტემბერი–1914 წლის 30 იანვარი)
  5. **ივან გორემიკინი** (1914 წლის 30 იანვარი –1916 წლის 20 იანვარი);
  6. **ბორის შტიურმერი** (1916 წლის 20 იანვარი–10 ნოემბერი);
  7. **ალექსანდრ ტრეპოვი** (1916

წლის 10 ნოემბერი–27 დეკემბერი); 8. **ნიკოლაი გოლიცინი** (1916 წლის 27 დეკემბერი –1917 წლის 27 თებერვალი).

### პოლიტიკური პარტიების დამოკიდებულება დაწყებული რეფორმების მიმართ

რუსეთის იმპერატორ ნიკოლაი II-ის 1905 წლის 6 აგვისტოსა და 17 ოქტომბრის მანიფესტები რუსეთის პოლიტიკური სისტემის გარდაქმნის საფუძველს წარმოადგენდა: **თვითმპყრობელობის მონარქია ადგილს უთმობდა კონსტიტუციურ მონარქიას.** იმპერატორი და რუსეთის პოლიტიკური ელიტა იმედოვნებდნენ, რომ საზოგადოების ყველა სოციალური ფენა გააგებთა და მადლიერებით მოეკიდებოდა ხელისუფლების დათმობას, რევოლუცია შეწყდებოდა და ახალი სახელმწიფო წესრიგის პირობებში რუსეთი ნელ-ნელა განვითარდებოდა ცივილიზებული ქვეყნებთან ერთად. რუსეთის სხვადასხვა სოციალური ფენა, ისევე, როგორც მათი ინტერესების გამომხატველი პოლიტიკური პარტიები, სახელმწიფოებრივ აზროვნებას მოკლებულნი აღმოჩნდნენ და, ნაცვლად ხელისუფლებისადმი თანადგომისა და მხარდაჭერისა, ოპოზიციაში ყოფნა არჩიეს და ქვეყნისათვის სრულიად მიუღებელი რაღაც პროგრამების რეალიზებისათვის გააგრძელეს ბრძოლა. დაწყებული სახელმწიფო რეფორმების უპირველესი მიზანი, როგორც აღვნიშნეთ, თვითმპყრობელობის კონსტიტუციურ მონარქიად გარდაქმნა იყო. რა პოზიცია ჰქონდათ ამასთან დაკავშირებით პოლიტიკურ პარტიებსა და ორგანიზაციებს, ვინ ეწინააღმდეგებოდა და ვინ უჭერდა მხარს დაწყებული რეფორმებს?

მოვიხილოთ ამონაწერებს პოლიტიკურ პარტიათა პროგრამებიდან, რომლებიც ადასტურებს, რომ პარტიათა უმრავლესობა მიუღებლად მიიჩნევდა კონსტიტუციურ მონარქიას ორპალატიანი (სახელმწიფო სათათბირო, სახელმწიფო საბჭო) პარლამენტით.

1. **რუსეთის სოციალ-დემოკრატიული მუშათა პარტია:** "ხალხის თვითმპყრობელობა, ე.ი. მთელი უმაღლესი სახელმწიფო ძალაუფლების თავმოყრა საკანონმდებლო კრების ხელში, რომლის შემადგენლობაში შევლენ ხალხის წარმომადგენლები და რომელსაც ექნება ერთი პალატა(...), ფართო ადგილობრივი თვითმმართველობა; საოლქო თვითმმართველობა იმ ადგილებსათვის, რომლებიც განსხვავდებიან განსაკუთრებული საყოფაცხოვრებო პირობებითა და მოსახლეობის შემადგენლობით".
2. **რუსეთის სოციალისტ-რევოლუციონერთა პარტია:** "დაწყებული დემოკრატიულ რესპუბლიკისა, ოლქთა და თემების ფართო ავტონომიით როგორც ქალაქებში, ისე სოფლებშიაც; ფედერაციული საფუძვლის რაც შეიძლება უფრო ფართო შემოღება კერძო ეროვნებათა ურთიერთობაში".
3. **რადიკალური პარტია:** „პარტია ცნობს პოლიტიკური წესწყობილების უფრო დასრულებულ ფორმად დემოკრატიულ რესპუბლიკას. მმართველობის კონსტიტუციური ფორმის პირობებშიც, პარტია იცავს რა თავის პროგრამას, საჭიროდ თვლის სასტიკ პარლამენტარულ წეს-წყობილებას(...), თვლის რა ანტი-დემოკრატიულად ისეთ ორპალატიან სისტემას, როდესაც საგუბერნიო ერობები ირჩევენ ზედა პალატის წევრებს, თუნდაც დემოკრატიულ სა-

# გურულ მოჯირითა უცნობი დეტალები



საუბარი ჩაწერილია 2010 წელს პავლე მახარაძის შვილიშვილ ლამარა ანდელუაძესთან სოფელ ბახვში.

პავლე როსტომის ძე მახარაძე წარმოშობით აზნაური იყო, ფლობდა მიწის ნაკვეთს და თავის ძმებთან: ივანე, სილიბისტრო და ალექსანდრე მახარაძეებთან ცხო-



მარცხნიდან მარჯვნივ: სიმონ ორაგველიძე - შუხუთიდან; ალექსანდრე მურგანიძე - ჯუმათიდან; პავლე მახარაძე - ბახვიდან.

ლიშვილი და ერთი ვაჟი ჰყავდათ, ფედოსი, კაკალა, თამარი და ვაჟი მიხეილი (მიშა). ქალიშვილებიდან მხოლოდ კაკალა გათხოვილა სიყვარულით და გაჰყოლია ცნობილი მომღერლის დავით ანდელუაძის ძმას. სოფელში ამბობდნენ თურმე, ამერიკაში ნამყოფი კაცის შვილს ცოლად ვინ შეირთავსო.

ქალბატონი ლამარა კეკელას ქალიშვილი გახლავთ ,74 წლის, მას ბაბუა არ ახსოვს, მხოლოდ გადმოცემით იცის, ვინაიდან ის ბავშვობაში ძალიან ცელქი ყოფილა. ბებია ხშირად უყვებოდა ბაბუას თავგადასავლებს და ამით ართობდა ვოგონას.

პავლე ამბობდა, ჩვენ ვართ ახლა 5 კაცი და 2 ქალი, გემიც ნაშონი გვაქვს და მალე წავალთო, მართლაც, მალე წასულან, იქედან ჩამოსული ჰყვებოდა თურმე, რომ ამერიკაში ჩვენ გავიცანით ერთი ქართველი, რომელიც ძალიან დაგვეხმარა, ეს უნდა იყოს რიჩარდ ჯორიანის ბაბუა ალექსი გოგონია ჯირჯიანი.


ქალბატონ ლამარას მეხსიერებას შემორჩა ბუბიას მონათხრობი: ჩვენ ვცხოვრობდით გარეუბანში, შორს, იმ ადგილიდან, სადაც გამოვიდოდით და ძალიან დაღლილი ვბრუნდებოდით, პირველ ხანებში ძალიან გვივირდა, ერთხელ, როცა შინ ვბრუნდებოდით, გვირახტან გავიარეთ, გვირახტი 9 მეტრის სიმაღლის იქნებოდა, ჩვენს ნაცნობ ქართველს და იმას კიდევ ახლდა ამერიკელი, უთხარი, ვინდა ახლა ამ გვირახტს გადავუვლო მეტი, შემდეგ ცხენი მოვაბრუნე, უკან დავხვიე 40 მეტრით, ყურში ჩაფურჩულე, დაგუკიყინე და ცხენი წელში მანამ არ გამართულა, სანამ მეორე ნაპირს არ გადავვლო შეიქნა ერთი ყიჟინა და ოვაციები, ქართველმა მითხრა მალარიჩი რა ვინდაო. პავლეს უპასუხნია, ოღონდ ახლოს დაგვაბინაო ცირკთანო. საერთოდ პავლეს ცხენი ისეთი გაწრთვნილი ჰყოლია, რომ დაუმახებდა თავისი პაროლით ცხენი ნელი ნაბიჯით ჩუმად მიდიოდა

მასთან თურმე. ის ისე უფროხილდებოდა მის ცხენს, რომ როცა ბახმაროში მიდიოდნენ, ვაკი-ჯვრის გავლით ცხენი პავლეს მიჰყავდა ცალკე, ოჯახის წევრებისთვის ცალკე დაიქრავებოდა. ყოფილა შემთხვევა, ბახმაროზე მეზავობის დროს თავით დადებოდა გაჭენებულ ცხენზე და ასე მიდიოდა კარგა ხანს. სამივე ძმას კარგი ცხენები ჰყავდათ, მეოთხე ძმა ალექსანდრე მკერავი იყო. პავლეს ამერიკიდან საჩუქრად შეიღებებისათვის ტანისამოსი ჩამოჰქონდა.

პავლე მახარაძე 1907 წლის შემდეგ ამერიკაში აღარ წასულა.

და ქიშვარდი მახარაძე, ივანეს ცოლისძმები ყარამან და გიორგი კალანდარიშვილები, პავლეს ცოლის მადიოს ბიძაშვილები მალხაზ, ნილოლა და მიხეილ ანთაძეები, ამ უკანასკნელთა შთაბეჭდილებების მიხედვით, ცნობილმა ქართველმა საბავშვო მწერალმა და საზოგადო მოღვაწემ ნინო ანთაძე-ნაკაშიძემ დაწერა მოთხრობა „ვინ არის დამნაშავე“, რომლის მიხედვითაც ალექსანდრე წუწუნავამ 1925 წელს გადაიღო მხატვრული ფილმი.

გურული მოჯირითეები ამერიკაში წასავლელად ჩადიდდნენ ბათუმში იქ სამხედრო გუბერნატორისაგან იღებდნენ საზღვარ-



იგი გარდაიცვალა 1917 წელს. მისი შთამომავლები ამჟამად თბილისში ცხოვრობენ.

ცხენოსანთა საერთაშორისო აკადემია საუკეთესო მოჯირითეებს ძვირფასი საჩუქრებით და გულზე დასაკიდი ოქროს მედალიონით აჯილდოვებდა, რომელსაც გაჭენებული ცხენის ფორმა ჰქონდა, ასეთი მედალიონებით დაჯილდოვებული იყვნენ: ივანე, პავლე მახარაძეები და ლუკა ჩხარტიშვილი.

პავლე ივანე და სილიბისტრო მახარაძეებთან ერთად რჩეული მოჯირითეები იყვნენ მათი ბიძაშვილი ივანე პატარა „ჩოხავრძელა“

გარეთის პასპორტს, რომლის ალებაც, როგორც მკვლევარები აღნიშნავენ, არც თუ ისე ადვილი იყო. ბათუმიდან მიემგზავრებოდნენ საფრანგეთში იქედან ამერიკაში. მათ საზღვარგარეთ მიქონდათ ცხენის ალკაშმულობა, უნაგირი, მათარახი... ეროვნული ტანსაცმელი, ცხენებს ცირკის მეპატრონეები აძლევდნენ, რომელსაც მალე ეჩვეოდნენ.

მანანა ლომაძე, ოზურგეთის საშუალო საჯარო სკოლის მეთვლიყვეობის მეთვარი მკვლედი.

## ორგანული ფერმები 2050 წლისთვის მთელი მსოფლიოს გამოკვებას უზრუნველყენ

„იმპორტირებული საკვების გარეშე მთელი ევროპის გამოკვება 2050 წლისთვის იქნება შესაძლებელი“ – აღნიშნულია საფრანგეთის სამეცნიერო კვლევების ეროვნული ცენტრის მიერ ჩატარებულ კვლევაში (CNRS).

კვლევაში, რომელიც ითვალისწინებს წარსულის გამოცდილებას მომავლის პროგნოზებისთვის, აღმოჩინა, რომ გარემო ფაქტორებისა და მეორე მსოფლიო ომის შემდეგ სინთეზური სასუქების გაზრდილი მოხმარება მიანიშნებს, რომ ევროპა აგრძელებს სასოფლო-სამეურნეო საქონლის იმპორტს. ცხოველურ პროდუქტები, როგორცაა ხორცი, რძის ნაწარმი, თევზი, ბოსტნეული და ყველა სახის საკვები პროდუქტი იმპორტირებულია ევროპის ფარგლებს გარედან.

2020 წლის მოხსენების მიხედვით, ჩვენ მიერ მოხმარებული ბოსტნეულის 47% შეძენილია ევროპის გარეთ.



როგორ უნდა შეიცვალოს კვების სისტემები?

მეცნიერები ამბობენ, რომ სამსაფეხურიანი პროცესით შეგვიძლია გვექონდეს ორგანული, მდგრადი, ბიომრავალფეროვნებისა და მდგრადი აგრო სასურსათო სისტემა. ეს შეიძლება გულისხმობდეს დამოუკიდებლად წარმოებულ საკუთარ

სურსათს 2050 წლი-თვის.

პირველი საფეხური მოიცავს რაციონის ცვლილებას, რომელიც გულისხმობს იმ ცხოველური საკვების შემცირებას, რომელსაც დღეს ვიღებთ. 1961 წლიდან 2013 წლამდე ევროპის მოსახლეობა გაიზარდა 428 მილიონიდან 540 მილიონ მოსახლემდე. ამ ზრდამ

დიდი გავლენა მოახდინა რეგიონში ცილის მოხმარებაზე – გაიზარდა 35% – დან 55% – მდე. ეს ნიშნავს, რომ თითოეული ინდივიდის მიერ პროტეინის მოხმარება გაიზარდა 80% – მდე.

ცხოველური საკვების მოხმარების შეზღუდვით შესაძლებელია იყოს ნაკლები მოთხოვნა შესაქონლეობაზე და შედეგად იმპორტირების საჭიროებაც შემცირდება.

მეორე საფეხური გულისხმობს ინდუსტრიული სოფლის მეურნეობის თავიდან არიდებას, უკვე არსებული ნიადაგისა და მიწის ნაკვეთის გამოყენებით მოსავლის გასანაწილებელი სივრცის შექმნას. ეს შეამცირებს პასტიციდებისა და სასუქების გამოყენებას და შედეგად, გამოიწვევს ჰაერში გამოყოფილი აზოტის შემცირებას.

ხოლო ბოლო საფეხური მოიცავს შემცირებისა და მეცხოველეობის გაერთიანებას ერთ ინდუსტრიაში. მეცნიერები ვარაუ-

დობენ, რომ ეს საშუალებას მისცემს ფერმერებს გაამარტივონ ცხოველური ნარჩენების გადამუშავებით მცენარეებისთვის სასარგებლო სასუქის მიღება, როგორცაა მაგალითად, ნაკელისგან კომპოსტის წარმოება.

მეცნიერები კვლევაში ასევე ამბობენ, ადამიანის ნარჩენების გადამუშავება შეიძლება იყოს საკანძო ნაბიჯი იმისათვის, რომ ევროპა გახდეს უფრო სუფთა 2050 წლისთვის. ნარჩენის 70% ის გადამუშავებას შეუძლია დიდი გავლენა მოახდინოს ეკოლოგიურად ჯანსაღი გარემოს შესაქმნელად ევროპაში.

2050 წლისთვის, ამ სამსაფეხურიანი პროცესით, ევროპა შეძლებს გახდეს მთავარი მოთამაშე საკვების ექსპორტის ინდუსტრიაში.

წყარო: Euro news (Green)



# მადლობა თანამშრომლობისთვის

მადლობა მინდა ვუთხრა ხელისუფლებას, „ქართულ ოცნას“, იმისთვის, რომ პირველი ჯგუფის ინვალიდს, ეტლით მოსარგებლეს მაქცევენ ყურადღებას. ღმერთმა გაგახაროთ ყველა ჩემს მიმართ გამოჩენილი ყურადღებისთვის. პანდემიის დროს შესაძლებლობის მქონეში გააკეთეს, რომ დამხმარებლობენ. მეხმარებიან საკვები პროდუქტებით, მედიკამენტებით, მომიტანეს შუშაც.

ასევე მადლობა უფასო სასადილოს ხელმძღვანელს, ნათია ლლონტს, მის თანამშრომლებს, სახლში მაწვდიან უგემრიელეს კერძებს. „ქართული ოცნების“ დეპუტატმა მაცივარი და გაზის გამათბობელი შემიძინა, ასევე ფინანსურად დაგვეხმარა, როცა ჩემს ძმას ოპერაცია გაუუკეთეთ. მადლობა საქართველოს "კარიტასს": ნანა მიზანდარს, რიმა პეტროსიანს, ანა არევილიანს. მეხმარებიან პროდუქტებით, წამლებით, სხვა საჭირო ნივთებით, მისუფთავებენ სახლს.

ღმერთმა გაგახაროთ ყველა!  
**მანანა-თინა მგელაძე**

## ხსოვნა



„ალიონის“ თანამშრომლები ღრმა მწუხარებით იუწყებიან ჩვენი გაზეთის მეგობრისა და გულშემატკივრის, ბატონი **ლერი ჯაყელის** გარდაცვალებას და თანაუგრძობენ განსვენებულის ოჯახს.



გაზეთი „ალიონი“ იუწყება ცნობილი მომღერლის **ლევან ბოლიაძის** გარდაცვალებას და თანაუგრძობენ განსვენებულის ოჯახს.

**იყიდება ერთი ფლის ჯიშიერი დეკუული, მუქი წაბლისფერი, კარგად მოვლილი, წონით დაახლოებით 70 კგ. ღარმკმთ ტელეფონზე: 599 46 50 49, იკითხეთ მარინა.**

**იყიდება ერთი ფლის ჯიშიანი დეკუული. დაგვიკავშირდით: 599 70 15 46; 555 51 47 53.**

# სულთანა



ოზურგეთის სახელმწიფო თეატრისა და კინოს გამოჩენილი მსახიობის, საქართველოს დამსახურებული არტისტის ამირან ქაღვიშელის ქალიშვილის ზოიას (ზოიკოს) გარდაცვალებამ ძალიან დამწვევია გული.

ზოია იყო შესანიშნავი მეგობარი, ერთგული მეუღლე და განუმეორებელი დედა. მე, მასთან ერთად, თეატრში გავატარე 26 წელიწადი. უყვარდა მიმართვა სტუმრისადმი „მობრძანდი, დაბრძანდი, მიირთვი“. თუ მეუღლე არ იყო სახლში, სტუმარს თვითონ უმასპინძლებდა, შესანიშნავად უთამაშებდა. იყო გვერდში მდგომი ადამიანი. მწარედ განიცდიდა, რომ სულ ახლახან გარდაეცვალა მამა, ამირან ქაღვი-



შვილი, რომელმაც 30 მხატვრულ ფილმში მიიღო მონაწილეობა.

ასევე გული მატკინა ჩვენი თეატრის მსახიობის ალექსანდრე ლომიძის (დამსახურებული არტისტის სერგო ლომიძის ვაჟი) ნადრეველ წასვლამ ამ ქვეყნიდან. ალექსანდრემ, ალიკამ, როგორც ჩვენ ვეძახდით, 38 მთავარი როლი განასახიერა ოზურგეთის თეატრის სცენაზე.

ვიზიარებ მათი ოჯახების დიდ მწუხრს.

ბოდიშს ვიხდი, რომ მძიმე ავადმყოფობის გამო, გასვენებებს ვერ დავესწარი.

ღმერთმა ნათელში ამყოფოთ.

**ბახუბა ოთხმეზური.**

## სკანპორდი

	საგალობელი საკითხავი	ქალის სახელი	ბოლნისის საფეხბურთო კლუბი	ფოტოპარაგის ძირითადი დეგალი	პაგარა შომის შრიფტი
	კარგი გურულაღ	გაზაფხულის ყვავილი	მაფიის ერთ-ერთი ბოსი	ბეირუფასი ლითონი	„ოტელოს“ პერსონაჟი
	პიმნო-გრადიული კრებული	საბჭოთა ავტომობილი	არეულობა		
	პროლეტარიატის ბელადი	ბილიარდის ჯოხი	ღიბს		
	რუმინული ფული	ფარღის საკილი	რაიონი აფხაზეთში		
	სახელდარი	კაკლოვანი კულტურა		ძრავი	
სამხედრო შარვალი	მე-3 პირის ნაცვალსახელი		ნაცია	მოწონება	
მღვიმე	მდინარე ციმბირში			ხიდის სახეობა	
გადასახადის სახეობა	ასლი	ქალაქი რაჭაში	ბელღის მელამხეველი	შემწვარი კარტოფილი	ნისლიანი ქვეყანა
		მეფის მსახური	... ბუფონი	საცხენოსნობა	

### პასუხები:

საბუფონი - ტელეფონი ავტომატური; საკითხავი - ანკვირე; ქალის სახელი - დედა; ბოლნისის საფეხბურთო კლუბი - დინამო; ფოტოპარაგის ძირითადი დეგალი - ფილმი; პაგარა შომის შრიფტი - შრიფტი; კარგი გურულაღ - გურულაღ; გაზაფხულის ყვავილი - გარდაცვალება; მაფიის ერთ-ერთი ბოსი - ბოსი; ბეირუფასი ლითონი - ბრინჯი; „ოტელოს“ პერსონაჟი - ანტიკონი; პროლეტარიატის ბელადი - ბელადი; ბილიარდის ჯოხი - ჯოხი; ღიბს - ღიბსი; რუმინული ფული - ლეი; ფარღის საკილი - საკილი; რაიონი აფხაზეთში - სუხოპროვსკი; სახელდარი - სახელი; კაკლოვანი კულტურა - კაკლოვანი; სამხედრო შარვალი - შარვალი; მე-3 პირის ნაცვალსახელი - ნაცვალსახელი; მღვიმე - მღვიმე; მდინარე ციმბირში - ენისეი; გადასახადის სახეობა - გადასახადი; ასლი - ასლი; ქალაქი რაჭაში - რაჭა; ბელღის მელამხეველი - მელამხეველი; შემწვარი კარტოფილი - კარტოფილი; ნისლიანი ქვეყანა - ნისლიანი ქვეყანა; მეფის მსახური - მსახური; ... ბუფონი - ბუფონი; საცხენოსნობა - საცხენოსნობა.





# საქართველოს ფეხბურთის ფედერაციიდან გამოგზავნილი ბურთები „საღვთოს“ იუბილარმა მწვრთნელმა თავის აღსაზრდელებს უსახსროვრა



**ალიონი.** 22 ნოემბერს, ნატანების გივი წითლიძის სახელობის სპორტულ დარბაზში, ნატანების ბავშვთა საფეხბურთო გუნდ „საღვთოს“ ნორჩ ფეხბურთელებს დიდი ზეიმი ჰქონდათ. მათ მწვრთნელს **გია ტულუშ** სფფ-ის ხელმძღვანელობამ სამოცი წლის იუბილესთან დაკავშირებით, 10 ცალი ბურთი

გამოუგზავნა. როგორც ბატონ ვიასთან საუბარში გავარკვეეთ, მან ახალი წლიდან სავარჯიშოდ უმცროსი ასაკის ბავშვები აიყვანა, რომელთა მშობლების 80%-ს, სამწუხაროდ, დღევანდელი გაჭირვებული სოციალური პირობებიდან გამომდინარე, არ აქვთ საშუალება, რომ თავიანთ შვილებს შეუძინონ ხარისხიანი საფეხბურთო ბურთები.

მწვრთნელის ოცნება იყო, თითოეულ ბავშვს ჰქონოდა ბურთი. ეს ოცნება მას სფფ-ის ხელმძღვანელობამ შეუსრულა. ამ დღეს ბავშვთა მშობლების, ბებიების ბაბუების, გულშემატკივრების თანდასწრებით, მამა მიქაელისა და მამა აკაკის ლოცვა-კურთხევით, ნორჩი მობურთალები დასაჩუქრდნენ ამ ბურთებით. მათ, ვინც უბურთოდ დარჩა, წლის ბოლომდე გადაეცემათ ანალოგიური საჩუქარი. რა წყაროდან – ამას მწვრთნელი ჯერჯერობით საიდუმლოდ ინახავს. ბურთებთან ერთად, ბავშვებს გადაეცათ სამახსოვრო

დიპლომები ბატონი გივი წითლიძის გამოსახულებით. შემდეგ კი გაიმართა საჩვენებელი ვარჯიში და ერთმანეთს შორის ამხანაგური მატჩი.

სავარჯიშოდ აყვანილ უმცროსი ასაკის ბავშვებს მათი მწვრთნელი მოფერებით „გოჭებს“ ეძახის. ჰოდა, აქვე გავაცნობთ „გოჭების“ შემადგელობას: **გიორგი ბოლქვაძე, გიორგი პატარაია, ლუკა ზუნწარია, ალექსანდრე და რომანოზ თოიბები, ომარ გორდელაძე, საბა ბაქანიძე, ზურაბ მიქაძე, ვანიკო ცეციტინიძე, ანდრია პატარაია, ალექსანდრე ზომერიკი, დავით ჩაჩანიძე, ანდრია დედეგვა, დავით სირაძე, ნინიკო ტულუში** (ერთადერთი გოგონა გუნდში).

გია ტულუში დიდ მადლობას უხდის: სფფ-ს პრეზიდენტს, ბატონ **ლევან კობიაშვილს** და ვიცე-პრეზიდენტს **ალექსანდრე იაშვილს** – ავტორგაფიანი ბურთის საჩუქრისათვის; ვიტალი დარასელიას ქალიშვილს, ქალბატონ **ქრისტინა დარასელიას** – მაისურისათვის, რომელზეც



ვიტალია გამოსახული; საქართველოს ეროვნული ნაკრების მწვრთნელს ფუტსალში **აფთხაძე ასათიანს** – ეროვნული ნაკრების ფეხბურთელთა ავტორგაფიანი ბურთისათვის; ვინეის ორმოცდათორმეზის რეკორდსმენს ბურთის კენწვლაში, ბატონ

**გოდერძი მახარაძეს** – გვერდში დგომისათვის. **ვულოცავთ ბატონ ვიას 60 წლის იუბილეს.** მის აღსაზრდელებს კი **ვუსურვებთ** ახალი სიტყვა ეთქვით ქართული ფეხბურთის ისტორიაში.

## რეზო რამიშვილის მოგონება



რეზო იყო შესანიშნავი ბაბუა, შესანიშნავი მეუღლე, მამა, მეგობარი, თამადა, სუფრის კაცი და შესანიშნავი ხელოვანი; ასეთი პიროვნება, რომელიც ერთდროულად ამდენ სიკეთეს ფლობდეს, იშვიათია. მერწმუნეთ, რომ ამ ჩამონათვლიდან რეზოს არც ერთი არ ეშლებოდა. იგი განსაკუთრებულად გამოირჩეოდა მეგობრობაში. ამის დასტურია ის, რომ მის ე.წ. „კუხნაში“ ახლაც ინახება „დაბალი სუფრა“ და დაბალი ჯორკო სკამები, რომელთაც მისი მეგობრების სახელები ეწერა – მათ შორის ჩემიც. მასთან როცა მივდიოდი, იგი „კუხნაში“ შეგვიყვანდა და ჩვეული მასპინძლობით უძღვეოდა სახელდახელოდ გაწყობილ სუფრას. იყო სიმღერები, ხუმბრობები, მოგონებები და კაი დროსტარება.

რეზო რამიშვილი 1930 წლის 17 დეკემბერს დაიბადა. დაამთავრა ქ. ოზურგეთის №1 საშუალო სკოლა და ბათუმის სავაჭრო ტე-

ქნიკები.

სიმღერის მადლი ბაბუამ და მამამ დაუტოვეს, რომელსაც რეზო სათუთად უვლიდა. რეზო ჭეშმარიტი ფოლკლორისტი იყო. იგი ფეხდაფეხ დაჰყვებოდა ანზორ ერქომაიშვილს და აგროვებდა მასალას გამოჩენილ მომღერლებზე და მგალობლებზე. მათ მიერ მოპოვებული მასალებით გადაიღო ფილმი „შვიდკაცა“ ცნობილმა კინორეჟისორმა სოსო ჩხაიძემ, რომლის გამოშვება სხვადასხვა მიზეზების გამო ვერ მოხერხდა.

რეზო ანსამბლ „ალესას“ აქტიური წევრი იყო, რომელიც ვლადიმერ ერქომაიშვილმა შექმნა. ანსამბლმა გამოუშვა შესანიშნავი ფირფიტა, რომელშიც ერთ-ერთი საუკეთესო ნამღერია „ჩვენ მშვიდობა“. სიმღერას ორი ტრიო ასრულებს. პირველი ტრიო ამ შემადგენლობისაა: ტრისტან სისარულიძე, რეზო რამიშვილი, ამირან თოიბე; მეორე ტრიო: ანზორ ტულუში, ვალერიან ბერიშვილი, ამირან გოლიაძე. როცა გურული სიმღერა მომენტურა – ამ სიმღერით ვტკბები.

რეზო იყო ოზურგეთის რაიონული კულტურის სახლთან არსებული სიმღერისა და ცეკვის სახალხო ანსამბლის წევრი, რომელსაც ვლადიმერ ერქომაიშვილი ხელმძღვანელობდა. აღნიშნულ ანსამბლთან ერთად რეზო იყო არაერთი რესპუბლიკური თუ საკავშირო ფესტივალზე გამარჯვებული, წარმატებული გასტროლების მონაწილე მოსკოვში, რიგაში, ტალინში, კიშინიოვში და სხვა ქალაქებში.

რეზომ შესანიშნავი ოჯახი შექმნა. ცოლად შეირთო საოცარი ქალბატონი – მერი ჯაფუტაშვილი, ეყვალათ ორი შვილი: ლელა და ზაზა. შვილების გაჩენამ კიდევ უფრო გაუმძაფრა სიმღერის სიყვარული. რეზოს სახლიდან ხშირად

ისმოდა ჩონგურისა და აკორდონის ხმები, რომელზეც რეზო შესანიშნავად აწყობდა ხალხურ სიმღერებს.

რეზოს შესანიშნავი იუმორი ჰქონდა. რომელი ერთი გავისხნო, მაგრამ ერთი განსაკუთრებულად დამამახსოვრა და ჩვენს მკითხველებსაც გავაცნობ:

ერთ დღეს რეზოს მანქანით ვბრუნდებოდი სოფელ მერიიდან. ეს ის დრო იყო მერიის სამხედრო აეროდრომიდან საბრძოლო თვითმფრინავები განუწყვეტილად რომ დაფრენდნენ ცაში. ერთმა თვითმფრინავმა დაბალ სიმაღლეზე დიდი ხმაურით გადაავიფრინა ცაზე. რეზომ ავტომანქანა გააჩერა, აიხედა ზევით და შესძახა: „ჰე, მიდი, გაიარე, გაიარე.“ – თითქოს გზა დაუთმო თვითმფრინავს.

რეზომ თავისებური რუსული სიტყვებით თარგმნა ლექსი სიმონა დოლიძეზე. ერთი ასეთი ფრაზა:

„ტყვია ისე დაგვაყარეს, როგორც სეტყვა და მენია გადმოხტომის ხან მესროლეს, მომტეხეს ორთვა ფეხია...“

რეზოსეული: „პულია ისე პობრასალი, ტაკ სეტყვა და კაკ მენია,

კოვლა პრივულ სტრელიალი, სლოვალი ორვე ფეხია...“

რეზოს ლალი ცხოვრება მისი შვილიშვილის, რეზიკოს სიკვდილმა გაყინა, რამაც დიდი დალი დაასვა მისი მხიარული ცხოვრებას და სიკვდილი დააჩქარა.

წავიდა ჩვენგან სიცოცხლის, სიყვარულისა და სიმღერის შვილი – რეზო რამიშვილი.

ნათელში იყოს მისი სპეტაკი სული!

**ტრისტან სისარულიძე,**  
ხელოვნების ქურუმი.

## ტაეკვანდოელების წარმატება საქართველოს პირველობაზე



3 - 4 დეკემბერს კასპში ოლიმპიურ ტაეკვანდოში პინესა და კადეტებს შორის საქართველოს ჩემპიონატი გაიმართა.

შეჯიბრში მონაწილეობა ოზურგეთის მუნიციპალიტეტის სპორტულ - გამაჯანსაღებელ დაწესებულებათა გაერთიანებასთან არსებულ-

მა ურეკის და ოზურგეთის ტაეკვანდოს სექციის სპორტსმენებმა მიიღეს, საუკეთესოდ იასპარეზეს და შინ ერთი ოქრო და ხუთი ბრინჯაო წამოიღეს.

ოქროს მედლის მფლობელი გახდა **ვიკა ლაბარტყავა** ( 33 კგ); ოზურგეთელთაგან ბრინჯაოს მედლებს დაუფლდნენ:

**ნიკოლოზ ლაბარტყავა** ( 25 კგ); **ლუკა გურასაშვილი** ( 33 კგ); **ბუკა გუჯაბიძე** ( 24 კგ) - III.

ურეკელებიდან კი – **გეგა გობრონიძე** ( 29 კგ); **ია მჭავია** ( 37 კგ). საქართველოს ჩემპიონატში მონაწილეობა სულ 160 სპორტსმენმა მიიღო.

ოზურგეთელი სპორტსმენები შეჯიბრისთვის **ირაკლი ტულუშმა** და **გიორგი ბერიძემ** მოამზადეს.

## ხუთი მედალი ჩვენია!



2 - 4 დეკემბერს, ქალაქ თბილისში, ბერძულ - რომულ კვიდაობაში, ჭაბუკებს შორის მიხეილ სალაძის სახელობის საერთაშორისო ტურნირი ჩატარდა.

ტურნირზე ოზურგეთის მუნიციპალიტეტის სპორტულ - გამაჯ-

ანსაღებელ დაწესებულებათა გაერთიანებასთან არსებულმა კვიდაობის სექციის სპორტსმენებმა წარმატებით იასპარეზეს და შინ ხუთი მედალი წამოიღეს. გულდასაწყვეტი მხოლოდ ისაა, რომ ხუთივე ბრინჯაო.

**გიორგი ბერიძე** ( 45 კგ );  
**ლუკა ფიფია** ( 51 კგ);  
**ლუკა ჯანელიძე** ( 48 კგ);  
**საბა სირაძე** ( 71 კგ);  
**საბა მარტივი** ( 92 კგ)

გუნდი შეჯიბრისთვის მწრთენვლებმა : ძმებმა ზურაბიანებმა, ფრიდონ და გურამ აბაშიძეებმა, კობა ბალაიანოვმა, ლაშა გუჯაბიძემ , გურამ მაჭარაშვილმა და კახაბერ აბაშიძემ მოამზადეს.

## 7 დღის ამინდის პროგნოზი

**წვიმა**  
+8+14  
9 დეკემბერი  
ხუთშაბათი

**მზე, ღრუბალი**  
+7+16  
10 დეკემბერი  
პარასკევი

**მზე, ღრუბალი**  
+8+17  
11 დეკემბერი  
შაბათი

**მზე,**  
+10+19  
12 დეკემბერი  
კვირა

**მზე,**  
+9+15  
13 დეკემბერი  
ორშაბათი

**მზე, ღრუბალი**  
+8+14  
14 დეკემბერი  
სამშაბათი

**მზე,**  
+6+16  
15 დეკემბერი  
ოთხშაბათი